



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱՎՈՒՇԻ ՄԱՐԶՊԵՏ

Ո Ր Ո Շ ՈՒ Մ

26 մայիսի 2025 թվականի թիվ 115-Ա

ՀՀ ՏԱՎՈՒՇԻ ՄԱՐԶՈՒՄ ՑՈՒՑԱԴՐԱԿԱՆ ՀԱՏՈՒԿ ՏԱԿՏԻԿԱԿԱՆ ՌԻՍՈՒՄՆԱՎԱՐԺՈՒԹՅԱՆ ՆԱԽԱՊԱՏՐԱՍՏՄԱՆ ԵՎ ԱՆՑԿԱՑՄԱՆ ՄԱՍԻՆ

Ղեկավարվելով Հայաստանի Հանրապետության կառավարության 2015 թվականի հունվարի 22-ի «Արտակարգ իրավիճակներում բնակչության պաշտպանության և քաղաքացիական պաշտպանության ոլորտներում Հայաստանի Հանրապետության պետական կառավարման և տեղական ինքնակառավարման մարմինների ու կազմակերպությունների պատրաստման և տվյալ ոլորտների հիմնահարցերով բնակչության ուսուցման կարգն ու ծրագիրը սահմանելու ՀՀ կառավարության 2003 թվականի հունվարի 30-ի թիվ 134 որոշումն ուժը կորցրած ճանաչելու մասին» թիվ 46-Ն որոշումով և հիմք ընդունելով «Հայաստանի Հանրապետության Տավուշի մարզի արտակարգ իրավիճակներում բնակչության պաշտպանության և քաղաքացիական պաշտպանության համակարգերի նախապատրաստման 2025 թվականի հիմնական միջոցառումների պլանի» 8.2.1 կետը

ՈՐՈՇՈՒՄ ԵՄ

1. Իմ ղեկավարությամբ Տավուշի մարզի Իջևան համայնքում 2025 թվականի հունիսի 20-ին անցկացնել ցուցադրական հատուկ տակտիկական ուսումնավարժություն՝ (այսուհետ՝ ուսումնավարժություն) «Որոնողափրկարարական աշխատանքների կազմակերպումը փլուզված շենքերում» թեմայով:

2. Հաստատել.

1) ուսումնավարժության նախապատրաստման օրացուցային պլանը՝ համաձայն հավելված 1-ի.

2) ուսումնավարժության ղեկավարման շտաբի կազմը՝ համաձայն հավելված 2-ի:

3. Ուսումնավարժությանը ներգրավել՝

1) Հայաստանի Հանրապետության ներքին գործերի նախարարության փրկարար ծառայության Տավուշի մարզային փրկարարական վարչությանը և Իջևանի հրշեջ-փրկարարական ջոկատին.

2) Հայաստանի Հանրապետության ներքին գործերի նախարարության ոստիկանության պարեկային ծառայության Տավուշի մարզի գումարտակից 1 խումբ.

3) «Հայաստանի էլեկտրական ցանցեր» փակ բաժնետիրական ընկերության «Աղստև» մասնաճյուղի Իջևանի տեղամասի վթարավերականգնողական խմբին.

4) «Գազպրոմ Արմենիա» փակ բաժնետիրական ընկերության Տավուշի գազաֆիկացման և գազամատակարարման մասնաճյուղի Իջևանի մասնաճյուղի վթարավերականգնողական խմբին.

5) «Վեոլիա ջուր» փակ բաժնետիրական ընկերության «Հյուսիս» շահագործման տարածքի Իջևանի տեղամասի վթարավերականգնողական խմբին.

4. Ուսումնավարժության ղեկավարման շտաբի պետ, փրկարարական ծառայության գնդապետ Հայկ Սաղաթելյանին՝

1) կազմակերպել ուսումնավարժության պլանավորող փաստաթղթերի ժամանակին մշակումը և հաստատումը համաձայն ուսումնավարժության նախապատրաստման օրացույցային պլանի.

2) կազմակերպել ուսումնավարժության մասնակիցների նախապատրաստումը համաձայն ուսումնավարժության նախապատրաստման օրացույցային պլանի.

3) կազմակերպել համագործակցությունը ուսումնավարժությանը ներգրավված ուժերի միջև ուսումնավարժության նախապատրաստման հարցերով.

4) ուսումնավարժության անցկացմանը պատրաստ լինելու մասին զեկուցել 2025 թվականի հունիսի 17-ին.

5) ուսումնավարժության անցկացումից հետո 5-օրյա ժամկետում ներկայացնել ուսումնավարժության անցկացման մասին ամփոփագիրը:

5. Ուսումնավարժության ղեկավարման շտաբի գործնական միջոցառումների խմբի ղեկավար, փրկարարական ծառայության փ/գ-տ Մհեր Վանեսյանին՝

1) կազմակերպել գործնական միջոցառումների տեղամասերի նախապատրաստումը՝ համագործակցելով արձագանքող ուժերի ղեկավար կազմի հետ.

2) հսկողություն իրականացնել՝ գործնական միջոցառումների իրականացման ընթացքում մասնակիցների կողմից անվտանգության կանոնների պահպանման նկատմամբ.

3) գործնական միջոցառումների իրականացման ընթացքում անվտանգության տեխնիկայի կանոնների խախտման դեպքում անհապաղ դադարեցնել իրականացվող գործողությունները և միջոցներ ձեռնարկել դրանց վերացման ուղղությամբ:

6. Ուսումնավարժության մասնակիցներին՝

1) ճշգրտել համապատասխան պլանները.

2) պատրաստ վիճակի բերել ուժերն ու միջոցները, համալրել ստորաբաժանումները հաշվեցուցակային գույքով.

3) ուսումնավարժության նախապատրաստման հարցերով համագործակցել ուսումնավարժության ղեկավարման շտաբի հետ.

4) պատրաստ լինել զեկուցելու ուսումնավարժության ընթացքում կատարած միջոցառումների մասին.

5) գործնական միջոցառումներ իրականացնելիս խստագույնս պահպանել անվտանգության կանոնները:

7. Սույն որոշումը տրամադրել ուսումնավարժության մասնակիցներին:

8. Սույն որոշման կատարման հսկողությունը վերապահում եմ ինձ:

ՄԱՐԶՊԵՏ

ՀԱՅԿ ՂԱԼՈՒՄՅԱՆ

2025-05-27 11:18:39 GMT+4
Հավաստված է ԷԿԵՆԳԻ կողմից

mid

